

LIC25-65

BWYD, CYMRU

CYNHYRCHION A REOLEIDDIR, CYMRU

BWYD A BWYD ANIFEILIAID A ADDASWYD YN ENETIG

Pennu statws awdurdodi: awdurdodi rhoi cynnyrch sy'n cynnwys, sydd wedi'u creu o, neu sydd wedi'u cynhyrchu o gotwm GHB811 a addaswyd yn enetig (BCS-GH811-4)

Nodyn egluro

(nid yw'r nodyn hwn yn rhan o'r penderfyniad)

Gwnaed y penderfyniad hwn ar gyfer Cymru gan Weinidogion Cymru yn arfer y pwerau a roddwyd gan Erthygl 7 (bwyd) ac Erthygl 19 (bwyd anifeiliaid) o Reoliad ([EUR 1829/2003](#)) Senedd Ewrop a'r Cyngor ar fwyd a bwyd anifeiliaid a addaswyd yn enetig (EUR 2003/1829).

Mae'n awdurdodi rhoi cynnyrch sy'n cynnwys, sydd wedi'u creu o, neu sydd wedi'u cynhyrchu o gotwm GHB811 a addaswyd yn enetig (BCS-GH811-4) ar y farchnad. Mae telerau'r awdurdodiad a'r amodau y mae'r cynhyrchion yn cael eu hawdurdodi oddi tanynt wedi'u nodi yn yr Atodlen.

Cynhaliwyd yr ymgynghoriad sy'n ofynnol gan Erthygl 9 o Reoliad ([EC](#)) Rhif [178/2002](#) Senedd Ewrop a'r Cyngor sydd yn gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau mewn materion diogelwch bwyd (EUR 2002/178).

Penderfyniad

Cymhwyso a dod i rym

- Mae'r penderfyniad hwn yn berthnasol i Gymru, a daw i rym ar 13eg Hydref 2025.

Dehongliad

- Yn y penderfyniad hwn—

Ystyr "Rheoliad 1829/2003" yw Rheoliad (EC) Rhif 1829/2003 Senedd Ewrop a'r Cyngor ar fwyd a bwyd anifeiliaid a addaswyd yn enetig (EUR 2003/1829); Ystyr "Rheoliad 1830/2003" yw Rheoliad (EC) Rhif 1830/2003 Senedd Ewrop a'r Cyngor sy'n ymwneud ag olrhain a labelu organebau a addaswyd yn enetig ac olrhain cynnyrch bwyd a bwyd anifeiliaid a grëir o organebau a addaswyd yn enetig ac sy'n diwygio Cyfarwyddeb 2001/18/EC (EUR 2003/1830);

Ystyr "Penderfyniad 2009/770" yw Penderfyniad 2009/770/EC y Comisiwn sy'n sefydlu fformatau safonol ar gyfer adroddiadau sy'n cyflwyno canlyniadau monitro rhyddhau organebau a addaswyd yn enetig i'r amgylchedd yn fwriadol, mewn cynhyrchion, at y diben o'u rhoi ar y farchnad, yn unol â Chyfarwyddeb 2001/18/EC Senedd Ewrop a'r Cyngor (EUDN 2009/770).

3. Mae unrhyw ymadrodd a ddefnyddiwyd yn y penderfyniad hwn ac sy'n cael eu defnyddio yn Rheoliad 1829/2003 yn rhannu'r un ystyr ag sydd ganddynt yn y Rheoliad hwnnw.

Pennu statws awdurdodi cynhyrchion sy'n cynnwys, sydd wedi'u creu, ac sydd wedi'u cynhyrchu o gotwm GHB811 a addaswyd yn enetig (BCS-GH811-4)

4. Mae cynhyrchion sydd yn cynnwys, sydd wedi'u creu, neu sydd wedi'u cynhyrchu o gotwm GHB811 a addaswyd yn enetig (BCS-GH811-4) wedi'u hawdurdodi yn unol â'r amodau a'r gofynion a nodir yn yr Atodlen ac yn ddarostyngedig iddynt.

Sarah Murphy

Y Gweinidog Iechyd Meddwl a Llesiant, o dan awdurdod Ysgrifennydd y Cabinet dros Iechyd a Gofal Cymdeithasol, un o Weinidogion Cymru

6 Hydref 2025

ATODLEN

Organeb a addaswyd yn enetig a'i ddynodwr unigryw

1. At ddibenion Erthyglau 7(3) a 19(3) o Reoliad 1829/2003, pennir y dynodwr unigryw BCS-GH811-4 ar gyfer cotwm GHB811 a addaswyd yn enetig.

Awdurdodiad

2. Mae'r cynhyrchion canlynol wedi'u hawdurdodi at ddibenion Erthyglau 4(2) a 16(2) o Reoliad 1829/2003, yn unol â'r amodau a nodir yn yr Atodlen hon-

(a) bwydydd a chynhwysion bwyd sy'n cynnwys, sydd wedi'i greu o, neu sydd wedi'i gynhyrchu o gotwm BCS-GH811-4 a addaswyd yn enetig;

(b) bwyd anifeiliaid sy'n cynnwys, sydd wedi'i greu, neu sydd wedi'i gynhyrchu o gotwm BCS-GH811-4 a addaswyd yn enetig;

(c) cynhyrchion sy'n cynnwys neu wedi'i greu o'r cotwm BCS-GH811-4 a addaswyd yn enetig, at ddefnyddiau heblaw y rhai a ddarperir ar eu cyfer yn is-baragraffau (a) a (b), ac eithrio trin y tir.

Labelu

3. (1) At ddibenion y gofynion labelu yn Erthyglau 13(1) a 25(2) o Reoliad 1829/2003, ac yn Erthygl 4(6) o Reoliad 1830/2003, 'cotton' yw enw'r organeb.

(2) Rhaid i'r geiriau 'not for cultivation' ymddangos ar label ac ar ddogfennau sy'n cyd-fynd â chynhyrchion sy'n cynnwys neu wedi'u creu o gotwm BCS-GH811-4, wedi'i addasu'n enetig ac eithrio bwyd a chynhwysion bwyd.

Dull canfod

4. (1) At ddibenion Erthyglau 7(3) a 19(3) o Reoliad 1829/2003, y dull a bennir yn is-baragraff (2) sydd i'w ddefnyddio i ganfod cotwm BCS-GH811-4 a addaswyd yn enetig.

(2) Mae'r dull wedi'i nodi yn y ddogfen o'r enw "[Event-specific Method for the Quantification of cotton GHB811 by Real-time PCR](#)", sydd â'r cyfeirnod "EURL-VL-04/18VP" ac a gyhoeddwyd ar 13 Gorffennaf 2020.

(3) Mae'r dull o echdynnu DNA i'w ddefnyddio yn y dull canfod a bennir yn is-baragraff (2) wedi'i nodi yn y ddogfen o'r enw "[Cotton Seeds Sampling and DNA Extraction Report on the Validation of DNA Extraction Method from Cotton Seeds](#)", sydd â'r cyfeirnod "CRLVL13/04XP" ac â'r dyddiad 14 Mawrth 2007.

(4) At ddibenion Erthyglau 7(3) a 19(3) o Reoliad 1829/2003, mae'r deunydd cyfeirio "ERM®-BF442" i'w gael gan [Ganolfan Ymchwil ar y Cyd \(JRC\) y Comisiwn Ewropeaidd](#).

Cynllun ar gyfer monitro effeithiau amgylcheddol

5. (1) Rhaid i ddeiliad yr awdurdodiad sicrhau bod y cynllun monitro ar gyfer effeithiau amgylcheddol a oedd yn cyd-fynd â'r cais am awdurdodiad ar gyfer cotwm BCS-GH811-4 a addaswyd yn enetig, cyfeirnod "RP1232", a gyflwynwyd i'r Awdurdod Diogelwch Bwyd ar 27 Awst 2021, yn cael ei weithredu.

(2) Rhaid i ddeiliad yr awdurdodiad gyflwyno adroddiadau blynyddol i'r Awdurdod Diogelwch Bwyd ar weithredu'r cynllun monitro a chanlyniadau'r gweithgareddau a nodir ynddo yn unol â'r fformat a nodir yn Atodiad II o Benderfyniad 2009/770/EC.

Deiliad yr awdurdodiad

6. (1) Enw a chyfeiriad deiliad yr awdurdodiad yw BASF Agricultural Solutions Seed US LLC, 100 Park Avenue, Florham Park, New Jersey, 07932, USA.

(2) Caiff deiliad yr awdurdodiad ei gynrychioli ym Mhrydain Fawr gan BASF PLC, 2 Stockport Exchange, Railway Road, Stockport, Swydd Gaer, SK1 3GG.